


欽賜勅諭



序

家之有譜，曾國之經也。史以紀事實，譜以序昭穆。昭穆明則宗派
爲得而不紊哉。今黃氏譜牒歷有年，傳之弗失。開卷一覽，上可以
見先人之勲業，下可以見後昆之嗣續。非善繼善述者而能乎。書
此爲萬世勉。

時

元至元二年歲次乙丑仲冬月黃氏更修

漢唐五代宋末元初家譜吉州文天祥敬書

秦

天承運

皇帝制曰

故朝奉郎黃庭堅自熙寧大臣用事變法始以異
同排斥士大夫維我

神祖念之不忘元豐之末稍稍收召接於元祐英俊
盈朝而爾以文采風流爲一時冠學者欣慕之及
繼述之論起黨籍之禁行而爾每爲罪首則學者
以其言爲諱自是以來縉紳道喪綱紀日隳馴至

宣和之亂言之可爲痛心迺朕纂承先緒旣從昭
洗今加贈爾龍圖閣大學士官子孫各一人斯足
以見朕志矣嗚呼西清之遊書殿之選惟爾曹爲
稱使生而得用能盡其才亦何止於是歟舉以追
命聊伸齎志之恨亦以少慰天下士大夫之心英
爽不忘欵此休顯

勅

之

紹興元年三月

日

命

實

奉

天承運

皇帝詔曰

亮采惠疇特重端揆之選持盈保泰急須坐論
之人故樹望台端正以專耳目股肱之托秉衡
宏化乃以廣翼爲明聽之資宜精白乎乃心務
期勉于一德咨尔戶部侍郎黃叔敖涵養深醇
天資樸實持大中之理學製而美錦無慚操至
正之裘補衮而彌縫必大文成大藻欣瞻雲蒸

霞蔚之奇吉叶茅茹立醜豹變龍驤之盛茲特
晉爾爲戶部尚書旣荷恩綸益揚休命欽哉

勅

命

紹興二年二月

日

之

寶